

Här Fernand Etgen  
President vun der Deputéiertechamber  
19, um Krautmaart  
L-1728 Lëtzebuerg

Tratten, den 2. Juni 2020

Här President,

sou wéi d'Chambersreglement et virgesäit, bieden ech lech, dës parlamentaresch Fro un d'Madamm  
Ëmweltministesch weiderzeleeden:

Déi lescht Jore muss ee leider feststellen, datt esou munch Aarten aus eiser Vullewelt vum  
Ausstierwe bedreet sinn, respektiv, d'Populatioun staark zeréckgeet. Dësen Ëmstand ass awer  
net eleng op déi intensiv Landwirtschaft mat hirem Gebrauch vu Pestiziden zeréckzeféieren.  
Speziell d'Buedembréier sinn heivun am meeschte betraff. Et muss een och feststellen, datt  
d'Allesfriesser an déi sougenannt Raubdéier ëmmer méi zouhuelen.

An dësem Kontext hätt ech folgend Froen un d'Madamm Ëmweltministesch:

1. Goufe bis dato well Analysen duerchgefouert, op wat fir eng Ëmstänn dëse Réckgang vu  
Vullenaarten zrëckzeféieren ass?
2. Wa jo: Wéi gesinn dës Analysen aus a si Géigemoosname geplangt? Wéi sollen dës  
Géigemoosname konkret ausgesinn?
3. Wann nee: Wär de Ministère bereet, esou Analysen duerchzeféieren?

Mat déiwem Respekt,



Jeff Engelen  
Deputéierten